

Alver kommune
Att:
Postboks 4
5906 FREKHAUG

Uttale til høyring av detaljreguleringsplan for akvakulturområde Toska S i Alver kommune

Vi viser til oversending frå ABO Plan og Arkitektur Stord AS 17. januar og e-post frå Alver kommune der vi får utsett frist for uttale i saka til den 10. februar 2020. Ved ein feil hadde ikkje Fiskeridirektoratet region Vest fått saka på høyring.

Fiskeridirektoratet region Vest gav uttale til oppstart av planarbeidet i brev datert 08. august 2019. Der skreiv vi at «planprogrammet som forevist ivaretar fiskeriinteressene i området og marint biologisk mangfold for øvrig. Vi har ingen merknader til planprogrammet».

Fiskarlaget Vest har gjort oss og kommunen merksame på at plasseringa av anlegget med fortøyingar i denne reguleringsplanen er justert i forhold til ein avtale som vart gjort mellom fiskarane og Lingalaks AS i 2016. Anlegget er no vridd meir mot vest enn opprinneleg skissert i 2016. Årsaka til denne justeringa var avslag frå Kystverket på den første plasseringa. Fiskeridirektoratet region Vest har vore i dialog med både fiskarlaget, planleggar og innehavar av anlegget. Lingalaks AS har sendt over nye skisser der fortøyingane er trekt ut av område for passive reiskap i våre registreringar i kartet Yggdrasil. Fortøyingliner vil framleis strekke seg inn i rekefeltet. Sjå vedlegg.

Fiskeri i Mangersfjorden

Vi har gått gjennom sluttsetlar frå fangstområde 2802 og 2840 som inkluderer Mangersfjorden frå 2000-2020. Det er éin båt som har levert éin rekefangst frå fangstområde 2840. Fangstområde 2840 dekker eit stort område frå Gulen i nord til Osterøy i sør og inkluderer både Fensfjorden, Masfjorden, Austfjorden, Osterfjorden, Sørfjorden og Radfjorden. Dette tilseier at rekefeltet i nærleiken av planområdet er lite brukt i fisket etter reker, men det betyr ikkje at rekeressursen ikkje er der. Som vi viste til i uttalen til oppstartsvarelet er det lagt ut ein del sjøkablar i desse områda, noko som kan begrense bruken av reketrålfeltet.

Når det gjeld anna fiskeri viser sluttsetlane at desse to fangstfelte er mykje brukt. Fangstfelte er store, så det er vanskeleg å sei noko meir kor fangstane er teke innfor desse områda, men Fiskeridirektoratet sine kartleggingar av fiskeridata seier at det vert drive noko fiskeri her. Sjå vedlegg der vi synleggjer fiskeriinteressene i området, med arealføremåla i kommuneplanen transparent over.

Fiskeridirektoratet si vurdering og uttale

Fiskeridirektoratet region Vest meiner det er positivt at Lingalaks AS har kome med nye anleggsskisser, som viser at fortøyingane ikkje strekk seg like langt ut i område for passive reiskap. Dette er likevel ein arealavklaringssak, så vi vel i hovudsak å uttale oss om arealbruken i overflata på noverande stadie. Det vil vere naturleg å kommentere fortøyingar nøyare når det føreligg ein akvakultursøknad.

Planområdet definerer tydleg arealføremåla, som er akvakultur, kombinerte føremål og bruk og vern av sjø og vassdrag. I sistnemnde er det tillate å etablere fortøyingline og akringsfeste/oppankring knytt til akvakulturanlegget. Det kombinerte føremålet sikrar fleksibilitet dersom det er behov tilpassingar. Det er også lagt inn ein samla utnyttingsgrad på 55 % for akvakultur og det kombinerte føremålet.

Vi meiner framleis at etablering av nytt oppdrettsanlegg sør for noverande lokalitet, ikkje vil medføre vesentleg auka konfliktpotensial, men fortøyingane må haldast innanfor planområdet.

Vi ber om kopi av vedtak i saka.

Med helsing

Leni Marie Lisæter
seksjonssjef

Ina Giil Solheim
rådgiver

Brevet er godkjent elektronisk og vert sendt utan handskriven underskrift.



Mottakarliste:

Abo Plan & Arkitektur Stord AS
Alver kommune

Torgbakken 9
Postboks 4

5411 STORD
5906 FREKHAUG

Kopi til:

Fiskarlaget Vest
Fylkesmannen i Vestland
Kystverket
Vestland fylkeskommune

Slottsgaten 3
Njøsavegen 2
Postboks 1502
Postboks 7900

5003 BERGEN
6863 LEIKANGER
6025 ÅLESUND
5020 BERGEN

Vedlegg

Lingalaks Toska Sør - kart
kommuneplan og våre reg
E-post med skisse av justerte
fortøyingar
Toska Sør_søknad_30-01-2020

